



林欽貴

11.1.29. 生

福建人

福建省立仙遊師範畢業

經歷／

教職四十餘年

## 鏡中花

### 鏡中花

奩開一鑑現瓊英，  
有色無香照眼明。  
幻像猶同波上月，  
誰能戳破此虛情。

### 梅松圖題句呈傅狷夫先生

君補紅梅我寫松，  
同標勁節歲寒中。  
數枝丹蕊孤山夢，  
百尺蒼虬一壑風。

### 秋懷

瑟瑟金風挾雨潛，  
梧桐落葉報秋還。  
江湖滿地南冠客，  
波浪連天西子灣。

+

古典詩組第三名 林欽貴

暑氣已成強弩末，夢魂常繞大刀環。  
卅年送燕迎鴻裡，壯志猶存奈鬢斑。

### 槐園九日

槐園落葉滿庭除。又是深秋九日初。  
有約題糕身尚健。同來度節興何如。  
杯浮黃菊催人醉。頭插茱萸嘆髮疏。  
惆悵故山歸不得。寄人籬下志難舒。

### 賞蓮

倚檻荷塘畔，觀蓮雅興長。  
亭亭擎翠蓋，瑟瑟舞紅裳。  
日映千葩媚，風飄十里香。  
品宜高士賞，為譜入詩章。

### 新春重遊溪頭

前年遊未足，此日喜重過。池面橫虹影，峰頭擁髻螺。  
扶筇尋石徑，拾級上岩阿。夾道蒼杉密，參天翠竹多。  
泉聲傳澗谷，野卉遍山坡。嘯嶺知猿樂，穿林聽鳥歌。  
春風吹淡蕩，神木聳嵯峨。詩料奚囊滿，行吟興若何。